



KEMENTERIAN PENGAJIAN TINGGI
JABATAN PENDIDIKAN POLITEKNIK DAN KOLEJ KOMUNITI

TEKS UCAPAN

**YBrs. Dr. ZUBAIDAH BINTI AMAN
TIMBALAN KETUA PENGARAH (PERANCANGAN)
JABATAN PENDIDIKAN POLITEKNIK DAN KOLEJ KOMUNITI**

SEMPENA

**12th NATIONAL CONFERENCE IN EDUCATION-
TECHNICAL AND VOCATIONAL EDUCATION AND
TRAINING (CiE-TVET 2022)**

"TVET Education: Leveraging the Future"

DEWAN AL-JAZARI
POLITEKNIK SULTAN SALAHUDDIN ABDUL AZIZ SHAH
6 SEPTEMBER 2022

Terima kasih Pengacara Majlis.

[SALUTASI DISEDIAKAN BERASINGAN]

السَّلَامُ عَلَيْكُمْ وَرَحْمَةُ اللَّهِ وَبَرَكَاتُهُ

Salam Sejahtera dan Salam Keluarga Malaysia.

PEMBUKA BICARA

1. Alhamdulillah marilah kita bersama-sama menzahirkan kesyukuran ke hadrat Allah S.W.T. kerana atas keizinan-Nya kita dapat bersama- sama berkumpul pada petang ini sempena **Majlis Penutupan *12th National Conference in Technical Education and Vocational Training (CiE-TVET) 2022.***
2. Terlebih dahulu syabas saya ucapkan kepada seluruh warga Politeknik Sultan Salahuddin Abdul Aziz Shah (PSA) serta jawatankuasa yang bertungkus lumus bagi menjayakan CiE-TVET 2022 sehinggalah mencapai kemuncaknya pada hari ini.

3. Syabas dan tahniah juga saya ucapkan kepada tuan-tuan dan puan-puan peserta seminar CiE-TVET 2022. Sesungguhnya perkongsian ilmu dalam kalangan para penyelidik amat diperlukan agar bidang pendidikan dan penyelidikan negara sentiasa ke hadapan.

TVET PILIHAN UTAMA

Tuan-tuan, puan-puan yang dihormati sekalian,

4. **Pendidikan Teknikal dan Latihan Vokasional (TVET) adalah pemacu utama dalam usaha kerajaan melahirkan tenaga kerja yang mempunyai kemahiran tinggi,** sekali gus mengurangkan kebergantungan negara kepada tenaga kerja asing. Di samping itu, TVET juga dikenal pasti sebagai salah satu daripada 14 pemacu perubahan dalam Rancangan Malaysia Ke-12 dalam usaha negara untuk muncul sebagai sebuah negara maju.
5. Menurut Perdana Menteri, Dato' Seri Ismail Sabri Yaakob ketika berucap merasmikan sambutan Minggu TVET Negara 2022 di

PSA pada 20 Jun lalu, **sudah sampai masa TVET menjadi pilihan utama para belia** dalam mempersiapkan diri mereka untuk masa depan seperti mana negara maju lain.

6. Sehubungan itu, sejajar dengan kemajuan teknologi IR4.0, tenaga pengajar bertanggungjawab mengembangkan minat, bakat dan kebolehan pelajar. Mereka harus bersikap peka dan responsif kepada sebarang bentuk perubahan teknologi dalam industri agar tidak ketinggalan zaman apabila berhadapan dengan para pelajar.

7. Justeru, CiE-TVET 2022 kali ini dilihat sebagai salah satu platform bagi para penyelidik untuk bertemu dan saling berkongsi hasil penyelidikan di antara satu sama lain. Perkongsian sebegini juga dapat **meningkatkan kualiti keilmuan dalam kalangan ahli akademik** seraya menyemai pembudayaan aktiviti penyelidikan di intitusi pengajian tinggi terutamanya di Politeknik dan Kolej Komuniti Malaysia. Ini seterusnya meletakkan Politeknik dan Kolej Komuniti ke persada

kecemerlangan dan menjadi peneraju TVET negara yang unggul dan disegani.

PENUTUP

8. Akhir kata, setinggi – tinggi ucapan tahniah dan terima kasih atas komitmen dan kerjasama yang diberikan untuk menjayakan majlis pada hari ini dan tahniah kepada semua peserta yang telah membentangkan hasil penyelidikan masing-masing. Saya percaya dengan adanya seminar seperti ini, kita dapat terus menyemarakkan semangat ahli akademik dan para penyelidik untuk lebih produktif di samping menggilap bakat penulis baharu. Saya juga berharap program yang telah diatur dapat memberikan input yang berguna kepada tuan-tuan dan puan-puan semua.

9. Dengan lafaz Bismillahirrahmanirrahim saya dengan ini merasmikan “**National Conference In Education-Technical And Vocational Education And Training (Cie-Tvet 2022)**”

Sekian, terima kasih.